

“Ёш қутқарувчи” мусобақасини ташкил этиш ўтказиш тартиби тўғрисидаги

НИЗОМ

1. Умумий қондалар

1. Мазкур Низом умумтаълим ҳамда касб-ҳунар таълими муассасалари (кейинги ўринларда – таълим муассасалари) ўқувчилари ўртасида “Ёш қутқарувчи” мусобақасини (кейинги ўринларда – мусобақа) ташкил этиш тартибини белгилайди.

2. Мусобақа ёшларни фавқулодда вазиятларда тўғри ҳаракатланиш, ўзини ўзи ҳимоя қилиш ва бошқаларга кўмак бериш борасидаги билим ҳамда кўникмаларини ошириш мақсадида ўтказилади.

2. Мусобақани ташкил этиш ва ўтказиш тартиби

3. Мусобақа Қорақалпоғистон Республикаси, вилоятлар ва Тошкент шаҳрида жойлашган умумтаълим ҳамда касб-ҳунар таълим муассасалари ўқувчилари ўртасида ташкил этилади.

4. Мусобақани ташкил этиш ва ўтказиш мутасадди ташкилотлар вакилларида иборат ташкилий қўмита (1-илова) зиммасига юклатилади.

5. Ўқувчиларнинг ёши ва психо-физиологик ҳусусиятларини инобатга олган ҳолда мусобақалар умумтаълим ҳамда касб-ҳунар таълими муассасалари ўқувчилари ўртасида алоҳида-алоҳида ўтказилади.

6. Мусобақада иштирок этувчи жамоалар тегишли таълим муассасасининг “Ёш қутқарувчи” кўнгиллилар клублари (кейинги ўринларда – клуб) аъзолари орасидан 8 нафардан иборат таркибда шакллантирилади.

7. Жамоалар фақатгина мусобақада қатнашаётган таълим муассасасининг 8 нафар (5 нафар ўғил бола, 3 нафар қиз бола) ўқувчисидан иборат таркибда тузилади.

Мусобақа шартларини бажариш вақтида жамоалар 6 нафардан (4 нафар ўғил бола, 2 нафар қиз бола) иборат тартибда иштирок этади.

8. Мусобақада “Ҳаёт хавфсизлиги асослари” ва “Фуқаро муҳофазаси” фанлари, шунингдек, ёнғин хавфсизлигини таъминлаш бўйича билим ва кўникмаларга эга бўлган клуб аъзолари иштирок этади.

9. Мусобақада иштирок этадиган жамоаларда қуйидаги анжомлар ва кийимлар бўлиши шарт:

қутқарув анжомлари;

қутқарувчи ҳимоя каскаси;

ҳимоя кўлқоплари;

карабин муфтали жумрак, блок ролик (битталиқ);

бир турдаги мавсумий махсус кийим-бош ҳамда спорт кийими.

10. Мусобақа уч босқичда, яъни туман (шаҳар), ҳудудий (Қорақалпоғистон, вилоятлар ва Тошкент шаҳар) ҳамда якуний (республика) босқичларда ўтказилади.

11. Ҳарбий-ватанпарварлик спартакиадаси доирасида мусобақани ташкил этиш ва ўтказиш қуйидагича амалга оширилади:

туман (шаҳар) босқичини ташкил этиш ва ўтказиш февраль-март ойларида амалга оширилиб, ўтказилиш вақти ва жойи 10 кун олдин туман (шаҳар) ташкилий қўмитаси томонидан белгиланиб, ҳудуддаги таълим муассасаларига маълум қилинади. Ташкилий қўмита таркибига ҳудуддаги таълим муассасаларининг “Ёш қутқарувчи” кўнгиллилар клуби раҳбарлари, Ёшлар сиёсати ва спорт вазирлиги ҳузуридаги Ёшлар ишлари

агентлиги туман (шаҳар) бўлимлари масъул ходимлари, Ўзбекистон ёшлар иттифоқининг ҳудудий кенгашлари ҳамда бошқа масъул ташкилотлар вакиллари киритилади;

ҳудудий босқичини ташкил этиш ва ўтказиш ҳар йили апрель ойида режалаштирилиб, ўтказилиш вақти ва жойи 15 кун олдин Фавқулодда вазиятлар вазирлиги, Олий таълим, фан ва инновациялар вазирлиги, Мактабгача ва мактаб таълими вазирликларининг ҳудудий бошқармалари, Ёшлар сиёсати ва спорт вазирлиги ҳузуридаги Ёшлар ишлари агентлигининг ҳудудий бошқармалари, Ўзбекистон ёшлар иттифоқининг ҳудудий кенгашлари ҳамда бошқа масъул ташкилотлар вакилларида иборат ташкилий кўмита томонидан белгиланади;

мусобақанинг якуний босқичи ҳар йили май ойининг якуни ёки июнь ойининг биринчи ўн кунлигида ташкил этилиб, ўтказилиш вақти ва жойи республика ташкилий кўмитаси томонидан ўзаро келишилган ҳолда белгиланади ҳамда Фавқулодда вазиятлар вазирлиги томонидан ҳар йили январь ойида эълон қилинади.

12. Ташкилий кўмита мусобақаларни ўтказиш бўйича барча ташкилий масалаларни ҳал этади, ўтказилиш вақти ва жойини белгилайди. Ҳакамлар ҳайъати таркибини шакллантиради ва тасдиқлайди.

13. Мусобақада қатнашувчи жамоа вакиллари ташкилий кўмитага қуйидаги ҳужжатларни тақдим этади:

ҳар бир иштирокчининг соғломлигини билдирувчи мусобақада иштирок этиш бўйича талабнома (ҳар бир иштирокчининг соғломлигини билдирувчи туман-шаҳар соғлиқни сақлаш бўлимининг муҳри билан);

фуқаролик паспорти, туғилганлик тўғрисидаги гувоҳнома ёки бошқа шахсини тасдиқловчи ҳужжатнинг нусхаси;

таълим муассасасининг ўқувчиси эканлигини тасдиқловчи маълумотнома ёки ўқувчилик гувоҳномаси;

соғлиғи тўғрисидаги тиббий маълумотнома (ўзи яшаб турган ҳудуддаги оилавий поликлиникада тиббий кўриқдан ўтганлигини тасдиқловчи);

3x4 ҳажмдаги фотосурат – 4 дона;

мусобақада фойдаланиладиган анжомларнинг синовдан ўтказилганлиги тўғрисидаги далолатнома.

14. Мусобақада иштирок этадиган жамоаларга қўйиладиган талаблар:

Жамоанинг номи ва шиори.

Жамоа аъзолари сафда турган ҳолда ўз жамоалари номини айтиб таништирадилар ва шиорларини айтадилар. Бунда жамоа шиорининг мазмун-моҳияти ҳамда уни ижро этиш маҳоратига алоҳида эътибор қаратилади. Жамоанинг шиорида инсонларнинг ҳаётини асраб қолиш ва қутқарувчиларнинг хизмат фаолияти билан боғлиқ сўзлар акс этган бўлиши лозим.

Жамоа фотоальбоми.

Жамоалар ўзлари билан мусобақанинг туман ва ҳудудий босқичларидаги иштирокини ҳамда “Ёш қутқарувчи” клубининг фаолиятини акс эттирувчи фотоальбомини олиб келиши керак.

Жамоа вимпели.

Жамоалар ўзлари билан “Ёш қутқарувчи” клубининг 40x30 см ҳажмдаги вимпелини олиб келиши керак.

Жамоанинг махсус устки кийими.

Жамоанинг устки кийими (шу жумладан, бош кийими) махсус тиктирилган, барча гуруҳ аъзолари учун бир турда бўлиши талаб этилади.

Кўргазма.

Кўргазмада “Ёш қутқарувчи” кўнгиллилар клубининг меъёрий ҳужжатлари, клуб аъзолари томонидан эришилган ютуқларни ўзида акс эттирган (*“Ёш қутқарувчи” кўнгиллилар клуби фаолияти бўйича диплом, фахрий ёрлиқ, кубок ва шу кабилар*) кўргазмалари воситаларни олиб келишлари талаб этилади.

Жамоа байроғи.

Жамоалар мусобақанинг ҳудудий ва республика босқичига “Ёш қутқарувчи” кўнгиллилар клуби байроқларини (ўлчами 90x120 см, дастаси 210x5см) олиб келишлари шарт.

15. Халқаро мусобақаларга Республика босқичида ғолиб чиққан жамоалар ғолиблари орасидан сараланади ёки ғолиб чиққан жамоа тўлиқ таркибда юборилади.

3. Мусобақа шартлари ва баҳолаш мезонлари

16. Мусобақа **бешта шарт** асосида ўтказилади:

Биринчи – “Савол-жавоб” шартида жамоа сардори ташкилий кўмита томонидан жамоалар сонига мос равишда тайёрланган махсус конвертлар ичидан биттасини танлайди. Конвертларда олти саволдан иборат билет бўлади. Жамоанинг ҳар бир иштирокчиси биттадан саволга жавоб бериши лозим. Бу шартда қўшимча жавоблар берилишига йўл қўйилмайди ҳамда ҳар бир жамоадан фақат олти нафар иштирокчи катнашади. Тайёргарлик кўриш учун 5 дақиқа ҳамда жавоб бериш учун 10 дақиқа вақт ажратилади. Ҳар бир саволга тўлиқ жавоб берилса 2-балл, тўлиқсиз жавобга 1-балл ҳамда жавоб нотўғри бўлса иштирокчи 0-балл билан баҳоланади. Мазкур шартда барча саволларга тўғри ва тўлиқ жавоб берилса жамоа 12 балл билан баҳоланади.

Иккинчи – “Биринчи ёрдам кўрсатиш” шартида жамоалар биринчи ёрдам кўрсатиш (*оёқ, қўл ёпиқ (очик) синганда, жароҳат оқибатида қон кетганда ва юрак-ўпка реанимациясида биринчи ёрдам кўрсатиши*) турлари бўйича беллашадилар. Бу шартда вазиятли топшириқларни бажариш учун “шартли жабрланган” сифатида жамоанинг бир нафар иштирокчиси ва тренажёр-манекен жалб этилади. Шарт махсус ленталар билан чегараланган ҳудудда старт ва финиш чизиқлари билан белгиланган жойда ўтказилади. Вазиятли топшириқларни бажариш учун столда керакли бўлган биринчи ёрдам кўрсатиш анжомлари жойлаштирилган бўлади. Ҳакамлар иштирокчиларнинг ҳаракатларини “жарималар жадвалига” мувофиқ баҳолайдилар. Шарт бажарилиши давомида ҳакамлар йўл қўйилган хатолар учун ҳакамлар варағига жарима балларини белгилайдилар. Вазиятли топшириқларни бажариш вақти секундомер билан белгиланади ва ҳакамлар варағига ёзилади. Барча жарималар вақт билан белгиланади ва шарт якунланганидан сўнг, шартга сарфланган вақтга жарималар вақти қўшилади. Шарт якунида умумий вақти энг кам бўлган жамоа шарт ғолиби деб ҳисобланади.

Учинчи – “Дор йўли ва чодир” шартида ҳар хил кўринишда ва баландликда ўрнатилган дор йўллари орқалий жамоалар арқонлар ёрдамида ўтиш ҳамда палатка ёйиш бўйича беллашадилар.

Бу шартда махсус ленталар билан чегараланган ҳудудда старт ва финиш чизиқлари билан белгиланган жойда ўтказилади. Ҳакамлар иштирокчиларнинг ҳаракатларини “жарималар жадвалига” мувофиқ баҳолайдилар. Шарт бажарилиши давомида ҳакамлар йўл қўйилган хатолар учун ҳакамлар варағига жарима балларини белгилайдилар. Шартни бажариш вақти секундомер билан белгиланади ва ҳакамлар варағига ёзилади. Барча жарималар вақт билан белгиланади ва шарт якунланганидан сўнг, шартга сарфланган вақтга жарималар вақти қўшилади. Шарт якунида умумий вақти энг кам бўлган жамоа шарт ғолиби деб ҳисобланади.

Тўртинчи – “Юкори қаватларда ишлаш” шартда жамоалар фавқулдда вазиятларда ҳаракат қилиш жараёнида керак бўладиган машқларни (арқон боғлаш усуллари, ишғол қилиш нарвонида ўқув минорасига кўтарилиш, кутқарув анжомларидан мақсадли фойдаланиш) баландликка кўтарилиш, арқон бўйлаб жумар ёрдамида юқорига кўтарилиш ва қайтиб тушиш) бажарадилар. Ушбу шартда жамоанинг барча иштирокчилари қатнашади. Бу шартда чегараланган ҳудудда старт ва финиш чизиқлари билан белгиланган жойда ўтказилади. Ҳакамлар иштирокчиларнинг ҳаракатларини “жарималар жадвалига” мувофиқ баҳолайдилар. Шарт бажарилиши давомида ҳакамлар йўл қўйилган хатолар учун ҳакамлар варағига жарима балларини белгилайдилар. Шартни бажариш вақти секундомер билан белгиланади ва ҳакамлар варағига ёзилади. Барча жарималар вақт билан белгиланади ва шарт якунланганидан сўнг, шартга сарфланган вақтга жарималар вақти қўшилади. Шарт якунида умумий вақти энг кам бўлган жамоа шарт ғолиби деб ҳисобланади.

Бешинчи – “Эстафета” шартда махсус ёнғин ўчирувчилар ва кутқарувчилар эстафетаси (4x100) бўйича ўтказилади. Ушбу шартда ҳар бир жамоадан уч нафар ўғил бола ва бир нафар қиз бола иштирокчилар қатнашади. Мазкур шарт “Ёнғин ўчириш амалий спорти бўйича мусобақаларни ўтказиш” қоидалари асосида ўтказилади ва баҳоланади, шунингдек, ушбу шарт ўтказилганда (ёниш учун мўлжалланган қоришма миқдори меъёрдан камроқ қўлланилади, аланга баландлиги 20-30 см.дан ошмаслиги лозим).

Эстафета шартда техника хавфсизлиги қоидаларига риоя қилиш ва иштирокчилар хавфсизлигини таъминлаш мақсадида ҳар бир иштирокчи махсус кийим бош ва анжомлар билан иштирок этиши шарт. Махсус кийим бош ва анжомлар билан таъминланмаган жамоа мазкур шартга қўйилмайди.

Ҳакамлар иштирокчиларнинг ҳаракатларини “жарималар жадвалига” мувофиқ баҳолайдилар. Шарт бажарилиши давомида ҳакамлар йўл қўйилган хатолар учун ҳакамлар варағига жарима балларини белгилайдилар. Шартни бажариш вақти секундомер билан белгиланади ва ҳакамлар варағига ёзилади. Барча жарималар вақт билан белгиланади ва шарт якунланганидан сўнг, шартга сарфланган вақтга жарималар вақти қўшилади. Шарт якунида умумий вақти энг кам бўлган жамоа шарт ғолиби деб ҳисобланади.

17. Жамоалар томонидан бажарилган шартлар қуйидаги тартибда жарима баллари берилади:

Т/р	Жарималар	Жарима вақти сония
Биринчи ёрдам кўрсатиш шarti бўйича:		
1.	Кон тўхтатиш боғламини (жгутни) нотўғри қўйиш	20
2.	Оёқ синганда иммобилизация шинасини нотўғри қўйиш	50
3.	Қўл синганда иммобилизация шинасини нотўғри қўйиш	40
4.	Юрак-ўпка реанимациясини нотўғри бажариш	60
5.	Биринчи ёрдам кўрсатиш кетма-кетлигига риоя қилмаслик	10
6.	Жабрланганни ташиш (эвакуация қилиш) қоидаларини нотўғри бажариш	20
7.	Жабрланганга нисбатан кўпол (ғайрийинсоний) муносабатда бўлиш (ҳар бир ҳаракати учун)	10
8.	Жабрланганга биринчи ёрдам кўрсатмаслик	120

Т/р	Жарималар	Жарима вақти сония
Дор йўли ва чодир шарти бўйича:		
1.	Ҳар бир муфталанмаган карабин учун	10
2.	Белгилаган чегара чизиғидан ўтиб кетгани ёки чизиқни босган ҳар бир ҳолат учун	5
3.	Қутқарувчи анжомини тушириб юборса	20
4.	Чодир йиғишда ҳар бир бажарилмаган элемент учун	10
5.	Биринчи иштирокчи дор йўлидан тушмасдан иккинчи иштирокчи дор йўлига чиқса	10
6.	Иштирокчининг хавфсизлик арқонида осилиб қолиши (срыв)	20
Юқори қаватларда ишлаш шарти бўйича:		
1.	Ҳар бир муфталанмаган карабин учун	10
2.	Қутқарувчи анжомини тушириб юборса	20
3.	Ҳар бир нотўғри бойланган (ёки бойланмаган) боғлам учун	15
4.	Иштирокчининг хавфсизлик арқонида осилиб қолиши (срыв)	20
“Эстафета” шарти бўйича:		
1.	Уйчадан ўтаётганда тушиб кетиб қайтадан ўтмасдан шартни давом эттирса	15
2.	Ҳар бир этап иштирокчиси ўзини югуриш йўлагидан чиқса	10
3.	Тўсиқдан ўта олмаса ёки айланиб ўтса	10
4.	Тўсиқни йиқитиб юборса	10
5.	Бумдан ўтаётганда тушиб кетиб қайтадан ўтмасдан шартни давом эттирса	15
6.	Ёнғин ўчириш энглари бир-бирига қотирлмаса	10
7.	Ёнғин ўчириш энглари уч ёқлама айиргичга уланмаган бўлса	10
8.	Ёнғин ўчириш энгига сув бериш дастаги уланмаса	10
9.	Эстафета дастаги тушириб қолдирилса (финишга етказилмаса)	10
10.	4-этапда махсус идишда ёндирилган ёнилғи тўлиқ ўчирилмаса	20

Изоҳ: Мусобақа бош ҳаками ҳакамлар комиссиясининг ишини ташкил қилади ва жамоаларнинг мусобақадаги иштирокини бошқаради. Ҳакамлар иштирокчиларнинг ҳаракатларини жарималар жадвалига мувофиқ баҳолайдилар. Агар жамоа раҳбари (вакиллари) томонидан изоҳлар, маслаҳатлар ва шарҳлар берилса, шунингдек, вазиятни ҳал қилишдан бош тортган ҳолларда ҳакамлар мусобақани тўхтатиши мумкин. Бу ҳолда шарт тугалланмаган деб ҳисобланади ва жамоа 180 сония жарима билан жазоланади;

Шунингдек, шартлар бажарилаётган вақтда ҳакамлар ишига жамоа раҳбари ёки бошқа аъзолари томонидан тўсиқлик қилинса, номақбул сўзлар айтилса мазкур шахснинг жамоаси (ҳар бир ҳолат бўйича) 60 сония жарима билан жазоланади ёки Ҳакамлар ҳайъатининг қарорига асосан мусобақадан четлатилади;

Жамоа раҳбари ҳакамлик устидан фақат жамоанинг шартларни бажаргандан сўнг апелляция бериш ҳуқуқига эга (апелляция мусобақанинг бош ҳакамига жамоанинг чиқишлари тугаганидан кейин 30 дақиқа ичида берилади). Мусобақада иштирок этувчи бошқа жамоаларнинг ҳакамлик қилиш бўйича мурожаатлари кўриб чиқиш учун қабул қилинмайди. Ҳакамлар комиссияси барча мурожаатларни кўриб чиқади, қабул қилинган қарорлар жамоа раҳбарларига етказилади.

18. Жамоаларнинг барча шартлар давомида тезкорлиги, эпчиллиги, шунингдек, мамлакатимизда аҳолининг барча қатламларини фавқулодда вазиятларда (табиий ва техноген тусдаги) ҳаракат қилишга тайёрлаш тизими самарадорлигини ошириш юзасидан олиб борилаётган ислохотлар ва улар моҳиятини оддий тарзда очиб беришлари, белгиланган вақтга қатъий риоя қилишлари, кийими, ижодий, бадий ҳамда воқеа ҳодисаларни халқчил асосда тайёрлаши – баҳолашнинг асосий мезони ҳисобланади.

4. Жамоаларни номинациялар бўйича баҳолаш мезонлари.

19. Жамоанинг номи ва шиори кўриги.

Ушбу шартда жамоанинг барча аъзолари иштирок этади. Жамоа аъзоларининг сафда турган ҳолда ўз жамоалари номини айтиб таништирадилар ва жамоа шиорини айтадилар. Бунда нафақат жамоанинг шиорининг мазмун-моҳиятига, уни ижро этиш маҳоратига ҳам алоҳида эътибор қаратилади. Жамоанинг шиори инсонларни ҳаётини асраб қолиш ва қутқарувчиларни хизмат фаолияти билан боғлиқ сўзлардан фойдаланган бўлиши керак. Жамоанинг номи ва шиори ҳакамлар ҳайъатининг барча аъзолари томонидан келишилган ҳолда аниқланади ҳамда ғолиб бўлган жамоа “Жамоанинг энг яхши номи ва шиори” фахрий ёрлиғи билан тақдирланади.

20. Энг яхши жамоа байроғи.

Бу номинация бўйича ғолибни аниқлашда жамоа байроғининг ранги, унинг матоси ҳамда тайёрланишига, байроқда ватанпарварлик, миллий ғурур, қутқарувчи касбига меҳр-ифтихор ва одамларга ёрдам беришдек олий туйғуларини ўзида акс эттирган бўлишига алоҳида эътибор қаратилади. Шарт ҳакамлар ҳайъатининг барча аъзолари томонидан келишилган ҳолда ғолиб жамоа “Энг яхши жамоа байроғи” фахрий ёрлиғи билан тақдирланади.

21. Жамоаларнинг махсус устки кийими кўриги.

Ушбу шартда жамоанинг барча аъзолари иштирок этади. Жамоанинг устки кийими (шу жумладан, бош кийими) махсус тиктирилган, барча жамоа аъзолари учун бир турда бўлиши талаб этилади. Ўзбекистон Республикаси Қурулли Кучлар таркибий тузилмалари ҳарбий кийимлари ва бошқа ташкилотларнинг махсус кийимларида шу жумладан, бош ва оёқ кийимларида иштирок этиш таъқиқланади (ФВВ қутқарувчилар кийим боши бундан мустасно). Устки кийимдаги 10х6 см ҳажмдаги кўкрак нишони (эмблемаси) кўкракнинг чап томонига тақилади. Кўкрак нишонидан мусобақа қатнашчисининг исм-шарифи тўлиқ ёзилиши, 4х6 см ҳажмдаги фотосурати ёпиштирилган ва таълим муассасасининг муҳри билан тасдиқланган бўлиши лозим. Жамоаларнинг кийимларида қутқарувчилик касбига меҳр, ифтихор ва ҳарбий ватанпарварлик шукуҳи акс этиб туриши ҳамда бош кийими бир турда бўлиши, шунингдек, махсус устки кийимнинг кўринишига, қолаверса кийимда қутқарувчиларнинг кийимидек ажралиб турувчи махсус ёзувлар, қутқарувчи эканлигини билдирувчи белгилар билан безатилганлигига ҳам алоҳида эътибор қаратилади. Шарт ҳакамлар ҳайъатининг барча аъзолари томонидан келишилган ҳолда ғолиб жамоа “Жамоанинг энг яхши махсус устки кийими” фахрий ёрлиғи билан тақдирланади.

22. Энг яхши ташкил этилган кўргазма.

Кўргазмада “Ёш қутқарувчи” кўнгиллилар клубининг меъёрий ҳужжатлари, клуб аъзолари томонидан эришилган ютуқларни ўзида акс эттирган (“Ёш қутқарувчи” кўнгиллилар клуби фаолияти бўйича диплом, фахрий ёрлик, кубок ва шу кабилар) кўргазмали воситалар қўйилади.

Ушбу шартда жамоанинг аъзоларидан бири иштирок этади ҳамда кўрғазмадаги воситалар бўйича тушунчалар беради. Бу шартда кўрғазмадаги воситалари таълим муассасалари ўқувчиларининг эришган ютуқларига, дид билан жойлаштирилишига ва кўрғазма билан таништирувчининг нутқ маданиятига алоҳида эътибор қаратилади. Шарт ҳакамлар ҳайъатининг барча аъзолари томонидан келишилган ҳолда ғолиб жамоа “Энг яхши ташкил этилган кўрғазма” фахрий ёрлиғи билан тақдирланади.

23. Энг яхши қутқарувчи (қиз болага).

Бу номинация ғолиби “Юқори қаватларда ишлаш” шартида иштирок этган қиз болалар орасидан аниқланиб, мазкур машқларни бажаришдаги тўғри ва аниқ ҳаракатлари, моҳирлиги ҳамда ўз ҳаракатлари билан бошқаларга ўрнак бўлган ва машқларни бажаришда бошқаларга нисбатан энг яхши натижаларга эришган қизбола “Энг яхши қутқарувчи” фахрий ёрлиғи билан тақдирланади.

24. Энг яхши қутқарувчи (ўғил болага).

Бу номинация ғолиби “Юқори қаватларда ишлаш” шартида иштирок этган ўғил болалар орасидан аниқланиб, мазкур шартдаги машқларни бажаришдаги тўғри ва аниқ ҳаракатлари, моҳирлиги ҳамда ўз ҳаракатлари билан бошқаларга ўрнак бўлган ва машқларни бажаришда бошқаларга нисбатан энг яхши натижаларга эришган ўғилбола “Энг яхши қутқарувчи” фахрий ёрлиғи билан тақдирланади.

25. Энг яхши жамоа фотоальбоми.

Жамоалар ўзлари билан мусобақанинг туман ва ҳудудий босқичларидаги иштирокини ҳамда “Ёш қутқарувчи” клубнинг фаолиятини ўзида акс эттирувчи фото альбомини (А 4 форматда, ҳар бир бетига 2 дондан расм жойлаштирилган бўлиши) олиб келиши лозим. Фотоальбом “Ёш қутқарувчи” кўнгиллилар клублари аъзолари томонидан қўл меҳнати билан тайёрланган бўлиши шарт. Ушбу шартда жамоанинг сардори иштирок этади ҳамда альбомда жойлаштирилган лавҳалар ҳақида сўзлаб беради. Шарт ҳакамлар ҳайъатининг барча аъзолари томонидан келишилган ҳолда ғолиб жамоа “Энг яхши клуб фаолияти ёритилган фотоальбом” фахрий ёрлиғи билан тақдирланади.

26. Энг яхши жамоа вимпели.

Ушбу кўрикда ҳар бир жамоа ўзининг 40x30 см ҳажмдаги вимпелини олиб келиши лозим. Вимпелларни “Ёш қутқарувчи” кўнгиллилар клублари аъзолари томонидан қўл меҳнати билан тайёрланган бўлиши шарт. Шарт ҳакамлар ҳайъатининг барча аъзолари томонидан келишилган ҳолда ғолиб жамоа “Энг яхши вимпел” фахрий ёрлиғи билан тақдирланади.

27. Юқори қаватларда ишлаш бўйича энг яхши жамоа.

Ушбу шартда жамоанинг барча аъзолари иштирок этади. Жамоанинг ҳар бир иштирокчиси тугун боғлаш, ишғол қилиш нарвони ва жумарлар ёрдамида минорага кўтарилиш ҳамда тушиш бўйича амалий кўникмаларини бажаради. Бунда машқни аниқ, тез, хатосиз ва қисқа вақт ичида бажарган жамоа ғолиб деб топилади ҳамда “Юқори қаватларда ишлаш бўйича энг яхши жамоа” фахрий ёрлиғи билан тақдирланади.

28. Энг ҳамжиҳат жамоа.

Ушбу шартда жамоанинг барча аъзолари иштирок этади. Жамоанинг ҳар бир иштирокчиси дарёдан арқонлар ёрдамида ўтиш ва чодир ёйиш машқини бажариш давомида жамоа аъзолари машқни бажаришдаги бирдамлилигини кўрсатади. Шу билан биргаликда, чодирни ёйишда бир-бирига ўзаро ёрдам бериши ва қўйилган вазифани бажаришда ҳамжиҳатлигига эътибор берилади. Бунда гуруҳ иштирокчилари томонидан машқни аниқ, тез, хатосиз ва қисқа вақт ичида бажарган жамоа ғолиб деб топилади ҳамда “Энг ҳамжиҳат жамоа” фахрий ёрлиғи билан тақдирланади.

29. Энг билимдон жамоа.

Ушбу шартда жамоанинг барча аъзолари иштирок этади. Жамоага фавқулудда вазиятлар борасида умумий саволлар берилади ва саволларга тўлиқ, аниқ, ишонч билан тўлдиришларсиз белгиланган вақт ичида ҳамда тайёргарлик кўриш учун белгиланган вақтдан фойдаланмасдан тўғри жавоб берган жамоа ғолиб деб топилади ва “Энг билимдон жамоа” фахрий ёрлиғи билан тақдирланади.

30. Энг яхши тиббий ёрдам кўрсатган жамоа.

Ушбу шартда жамоанинг барча аъзолари иштирок этади. Жамоага шарт бўйича фавқулудда вазиятларда жабрланувчига оёқ, қўл ёпиқ (очик) синганда, жароҳат оқибатида қон кетганда ва юрак-ўпка реанимациясида биринчи ёрдам кўрсатиш бўйича машқларни бажарадилар. Жамоа берилган топшириқни тўғри кетма-кетликда, тўлиқ, аниқ, машқларни бажаришда биринчи ёрдам кўрсатиш қоидаларини хатосиз ва қисқа вақт давомида бажарган жамоа ғолиб деб топилади ҳамда “Энг яхши биринчи тиббий ёрдам кўрсатган жамоа” фахрий ёрлиғи билан тақдирланади.

31. Мусобақадаги саволлар Ўзбекистон Республикасининг “Аҳоли ва ҳудудларни табиий ва техноген тусдаги фавқулудда вазиятлардан муҳофаза қилиш тўғрисида”ги, “Фуқаро муҳофазаси тўғрисида”ги ҳамда “Ёнгин хавфсизлиги тўғрисида”ги қонунлари, Ўзбекистон Республикаси Вазирлар Маҳкамасининг қарорлари, шунингдек, “Ҳаёт хавфсизлиги асослари” ва “Фуқаро муҳофазаси” (ёки вазирлик томонидан ушбу йўналишда жорий этилган фанлар) фанлари ҳамда клуб дастури асосида ўтилган мавзулар бўйича тузилади. Саволлар ташкилий қўмита томонидан тузилади ҳамда мусобақа кунидан бир кун аввал махсус конвертга солиниб, аъзолари иштирокида муҳрланади.

32. Мусобақа шартларини баҳолаш ҳамда ғолиблар ва бошқа иштирокчиларни тақдирлаш ташкилий қўмита томонидан тузиладиган ҳакамлар ҳайъати томонидан амалга оширилади.

Ҳакамлар ҳайъати таркибига мазкур Низом таъсисчиларининг масъул ходимлари, шунингдек, фан, санъат, адабиёт, ишлаб чиқариш соҳасида ҳамда давлат ва жамият фаолиятининг бошқа тармоқларида катта амалий тажрибага эга бўлган мутахассислар (ўқитувчилар, амалиётчилар) киритилиши мумкин.

33. Барча шартлар бўйича умумий баллар қўшиб ҳисобланганда энг юқори кўрсаткичга эга бўлган жамоа мусобақанинг мутлоқ ғолиби деб топилади. Юқори баллар тенг бўлган ҳолатда, ғолиб жамоани аниқлаш ҳакамлар ҳайъати раиси томонидан ҳал этилади.

5. Ташкилий ва амалий тадбирлар

34. Фавқулудда вазиялар вазирлиги томонидан:

- клубларга машғулотлар олиб бориш учун керакли шароитларни яратишда яқиндан ёрдам бериш;

- мусобақанинг барча босқичларини ташкил этиш ва ўтказиш;

- мусобақанинг ҳудудий ва республика босқичларини керакли анжомлар билан таъминлаш;

- мусобақанинг барча босқичларини юқори савияда ташкил этиш ва ўтказиш учун малакали ходимлар ажратиш;

- ҳар йили туман ва шаҳарлар кесимида умумтаълим ҳамда касб-ҳунар таълим муассасаларида “Ёш қутқарувчи” кўнгилчилар клубларининг ташкил этилишида услубий ёрдам кўрсатиш ишлари амалга ошириш;

халқаро мусобақаларга Республика босқичида ғолиб чиққан жамоалар таркибидан сараланган жамоани ёки ғолиб чиққан жамоанинг тўлиқ таркибини юбориш;

халқаро мусобақаларга юбориладиган иштирокчиларни тайёргарлигини ташкил этиш.

халқаро мусобақаларга вакил ажратиш ишларини тақшил этади.

35. Олий таълим, фан ва инноватциялар вазирлиги ва Ўзбекистон талабалар спорти Ассоциацияси Ижроия қўмитаси томонидан:

- ўқувчиларни клубларга ҳамда мусобақаларга оммавий равишда жалб этиш;
- клуб аъзолари учун таълим муассасаларида алоҳида хона ажратиш;
- клубларнинг машғулотлар олиб бориши учун керакли шароитларни яратиш;
- ҳудудий босқичида ғолиб чиққан жамоаларни Республика босқичида иштирокини таъминлаш;

- иштирокчиларни спорт кийимлари ва анжомлари билан таъминлаш, мусобақаларнинг якуний финал босқичига келадиган иштирокчиларнинг сафар харажатлари (йўл, ётоқ ва озиқ-овқат)ни қоплаш;

- халқаро мусобақаларга юбориладиган ўқувчиларни махсус кийим-бош билан таъминлаш;

- ҳар йили туман ва шаҳар кесимида касб-хунар таълим муассасаларида “Ёш қутқарувчи” кўнгилчилар клубларини ташкил этишга кўмаклашиш ишлари олиб борилади.

34. Мактабгача ва мактаб таълими вазирлиги томонидан:

- ўқувчиларни клубларга ҳамда мусобақаларга оммавий равишда жалб этиш;
- клуб аъзолари учун таълим муассасаларининг имкониятларидан келиб чиққан ҳолда алоҳида хона ажратиш;

- клубларнинг машғулотлар олиб бориши учун керакли шароитларни яратиш;

- иштирокчиларни спорт кийимлари билан таъминлаш;

- ҳудудий босқичида ғолиб чиққан жамоаларни Республика босқичида иштирокини таъминлаш;

- мусобақаларнинг якуний финал босқичига келадиган иштирокчиларнинг сафар харажатлари (йўл, ётоқ ва озиқ-овқат)ни қоплаш;

- халқаро мусобақаларга юбориладиган ўқувчиларни махсус кийим-бош билан таъминлаш;

- ҳар йили туман ва шаҳар кесимида умумтаълим муассасаларида “Ёш қутқарувчи” кўнгилчилар клубларини ташкил этишга кўмаклашиш ишлари олиб борилади.

35. Ёшлар сиёсати ва спорт вазирлиги томонидан:

- мусобақаларнинг ҳудудий ва республика босқичларини ўтказиш учун спорт майдонларининг ажратилишида яқиндан ёрдам бериш;

- халқаро мусобақаларга юбориладиган ўқувчиларни бир хил турдаги Ўзбекистон Республикаси рамзи туширилган спорт кийимлари (спорт сумкаси, красовка, спорт кийими) билан таъминлаш;

- “Ёш қутқарувчи” мусобақаларини йиллик спорт календарига киритиш ишлари ташкиллаштирилади.

36. Соғлиқни сақлаш вазирлиги томонидан:

- жойларда фаолият олиб бораётган клуб аъзолари иштирокида тиббий тайёргарлик бўйича назарий ва амалий машғулотларни ташкил этиш;

- мусобақанинг барча босқичларига малакали мутахассисларни жалб этиш;

- мусобақалар давомида тиббиёт ходимлари, тез тиббий ёрдам машиналари ва дори-дармонлар билан таъминлаш ишларини амалга ошириш ишлари ташкил этилади.

37. Маданият вазирлиги томонидан:

- ҳамкор вазирлик ва идоралар билан клуб аъзолари учун маданий дам олиш тадбирларини ташкил этиш ҳамда ўтказишда фаол иштирок этиш;

- ғолибларни тантанали тақдирлаш маросимларини ташкил этиш учун малакали режиссёр ва эстрада хонандаларининг иштирокини ўрнатилган тартибда ташкил этиш ишлари олиб борилади.

38. Ёшлар ишлари агентлиги томонидан:

- мусобақанинг барча босқичларини ташкил этиш ва ўтказишда ташкилий ҳамда тарғибот-ташвиқот ишларини олиб боришда кўмак бериш;

- мусобақанинг барча босқичларини юқори савияда ташкил этиш ва ўтказиш учун малакали ходимлар ажратиш;

- туман ва шаҳарлар кесимида умумтаълим ҳамда касб-ҳунар таълим муассасаларида “Ёш кутқарувчи” кўнгиллилар клубларига ёшларни жалб қилишда амалий ёрдам кўрсатиш ишлари олиб борилади.

39. Ўзбекистон ёшлар иттифоқи Марказий Кенгаши томонидан:

- мусобақанинг барча босқичларини ташкил этиш ва ўтказишда ташкилий ҳамда тарғибот-ташвиқот ишларини олиб боришда кўмак бериш;

- туман ва шаҳарлар кесимида умумтаълим ҳамда касб-ҳунар таълим муассасаларида “Ёш кутқарувчи” кўнгиллилар клубларига ёшларни жалб қилишда амалий ёрдам кўрсатиш ишлари ташкил этилади.

6. Ғолибларни тақдирлаш

40. Мусобақанинг туман (шаҳар), ҳудудий ва республика босқичларида ғолибликни қўлга киритган иштирокчилар Фавқулудда вазиятлар вазирлиги, Ёшлар сиёсати ва спорт вазирлиги, Ёшлар ишлар агентлиги ва Ўзбекистон ёшлар иттифоқи Марказий Кенгаши ҳамда уларнинг ҳудудий бўлинмалари ва қуйи тизимлари томонидан I, II ва III даражали дипломлар ва эсдалик совғалари билан тақдирланади. Шунингдек, ғолибларни тақдирлашда бошқа ташкилотлар ҳам ҳомийлик қилишлари мумкин.

7. Яқуний қоидалар

41. Мусобақани ўтказиш билан боғлиқ барча ҳаражатлар таъсисчи вазирлик ва идораларнинг маблағлари ҳисобидан қопланади.

42. Мазкур мусобақанинг ҳудудий босқичларини ташкил этиш ва ўтказилиши билан боғлиқ барча ҳужжатлар Фавқулудда вазиятлар вазирлигининг ҳудудий бошқармаларида, яқуний босқичларини ташкил этиш ва ўтказилиши билан боғлиқ барча ҳужжатлар Фавқулудда вазиятлар вазирлигида уч йил сақланади.